



მარტვილის მუნიციპალიტეტის საკრებულოს
განკარგულება №34
2020 წლის 07 სექტემბერი
ქ. მარტვილი



საქართველოს ორგანული კანონის „საქართველოს საარჩევნო კოდექსი“ შესაბამისად, მარტვილის მუნიციპალიტეტის ტერიტორიაზე წინასაარჩევნო კამპანიის (აგიტაციის) ჩატარებისთვის გასატარებელი ღონისძიებების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის მე-2 პუნქტის, 61-ე მუხლის მე-2 პუნქტის, საქართველოს ორგანული კანონის „საქართველოს საარჩევნო კოდექსი“ 45-ე მუხლის მე-6, მე-8 და მე-9 ნაწილების და „საქართველოს პარლამენტის არჩევნების დანიშვნის შესახებ“ საქართველოს პრეზიდენტის 2020 წლის 31 აგვისტოს განკარგულების შესაბამისად, 2020 წლის 31 ოქტომბრის საპარლამენტო არჩევნების გამჭვირვალე და სამართლიან გარემოში ჩატარების მიზნით:

1. მარტვილის მუნიციპალიტეტის მერიამ წინასაარჩევნო პერიოდში ხელი შეუწყოს საარჩევნო სუბიექტებს ამომრჩევლებთან შეხვედრებისა და კრებების, საჯარო დებატებისა და დისკუსიების, შეკრებების და მანიფესტაციების ორგანიზებასა და ჩატარებაში, დაიცვას მათი უსაფრთხოება სამართალდამცავი ორგანოების მეშვეობით;

2. მასობრივი ღონისძიებების ჩასატარებლად მარტვილის მუნიციპალიტეტის საკუთრებაში არსებული შენობები უსასყიდლოდ დაეთმოს საოლქო საარჩევნო კომისიას;

3. საარჩევნო ღონისძიებების გამართვასთან (წინასაარჩევნო კამპანიის (აგიტაციის)) დაკავშირებით განისაზღვროს შენობა-ნაგებობების ნუსხა დანართი №1-ის შესაბამისად;

4. მიეცეს თანხმობა მარტვილის მუნიციპალიტეტის მერს საქართველოს ორგანული კანონის „საქართველოს საარჩევნო კოდექსი“ საფუძველზე

ა) გაატაროს შესაბამისი ღონისძიებები და გამოსცეს ადმინისტრაციულ-სამართლებრივი აქტები;

ბ) მარტვილის მუნიციპალიტეტის საკუთრებაში არსებული მარტვილის მუნიციპალიტეტის ტერიტორიაზე მდებარე შენობა-ნაგებობები (№65 მარტვილის საოლქო საარჩევნო კომისიის მოთხოვნის შესაბამისად) უსასყიდლო უზუფრუქტის ფორმით, აუქციონის გარეშე საუბნო საარჩევნო კომისიების საქმიანობის ვადით გადასცეს №65 მარტვილის საოლქო საარჩევნო კომისიას;

გ) მარტვილის მუნიციპალიტეტის საკუთრებაში არსებული ინვენტარი (მოძრავი ქონება) (№65 მარტვილის საოლქო საარჩევნო კომისიის მოთხოვნის შესაბამისად) თხოვების ფორმით, აუქციონის გარეშე უსასყიდლო სარგებლობაში (თუ ამით არ შეფერხდება მუნიციპალიტეტის სტრუქტურული ერთეულების საქმიანობა) საუბნო საარჩევნო კომისიის საქმიანობის ვადით გადასცეს №65 მარტვილის საოლქო საარჩევნო კომისიას;

5. საქართველოს ორგანული კანონის „საქართველოს საარჩევნო კოდექსი“ შესაბამისად, საარჩევნო კომისიებისთვის გადაცემული შენობა-ნაგებობის კომუნალური ხარჯები დაიფაროს მარტვილის მუნიციპალიტეტის ადგილობრივი ბიუჯეტიდან;

6. დაევალოს მარტვილის მუნიციპალიტეტის მერიას სააგიტაციო მასალის (შემდგომში საარჩევნო პლაკატის) გასაკრავად სტენდების დამზადების უზრუნველყოფა;

7. აკრძალულია მარტვილის მუნიციპალიტეტის ტერიტორიაზე სააგიტაციო მასალის გაკვრა საკულტო შენობა-ნაგებობებზე, კულტურული მემკვიდრეობის შენობა-ნაგებობებზე, ასევე სახელმწიფო ხელისუფლებისა და მუნიციპალიტეტის ორგანოების, სასამართლოს, პოლიციის, სახელმწიფო უსაფრთხოებისა და სახელმწიფო დაცვის სპეციალური სამსახურის დაწყოფების შენობების ინტერიერებსა და ექსტერიერებში, მუნიციპალიტეტის ტერიტორიაზე განთავსებულ ყველა საგზაო ნიშანზე;

8. მარტვილის მუნიციპალიტეტის ტერიტორიაზე საარჩევნო პლაკატის გასაკრავად განთავსდეს სპეციალური სტენდები დანართი №2-ით განსაზღვრულ ადგილებზე;

9. საარჩევნო პლაკატები ასევე შეიძლება განთავსდეს მარტვილის მუნიციპალიტეტის ტერიტორიაზე მდებარე გარე განათების ბოძებზე, მგზავრთა მოსაცდელებსა და სამშენებლო ტერიტორიების შემომსაზღვრელ დროებით ღობეებზე;

10. ეთხოვოს შსს სამეგრელო-ზემო სვანეთის სამხარეო მთავარი სამმართველოს მარტვილის რაიონულ სამმართველოს წინასაარჩევნო კამპანიის მიმდინარეობისას განკარგულებით გათვალისწინებული წესების დარღვევის ფაქტების აღკვეთა;

11. ეს განკარგულება :

ა) გადაეგზავნოს №65 მარტვილის საოლქო საარჩევნო კომისიას;

ბ) გამოიკრას მარტვილის მუნიციპალიტეტის ადგილობრივი თვითმმართველობის ორგანოების ადმინისტრაციული შენობის საინფორმაციო დაფაზე და გამოქვეყნდეს ვებგვერდზე: www.martvili.ge.

12. ამ განკარგულების მოქმედება გავრცელდეს 2020 წლის 31 ოქტომბრის საპარლამენტო არჩევნებზე;

13. განკარგულება ძალაშია ხელმოწერისთანავე;

14. განკარგულება შეიძლება გასაჩივრდეს კანონმდებლობით დადგენილი წესის შესაბამისად, გაცნობის დღიდან 1 თვის ვადაში სენაკის რაიონულ სასამართლოში (მის. ქ. სენაკი, რუსთაველის ქუჩა №247).

საკრებულოს თავმჯდომარე:



ალექსი გაბისონია

**საარჩევნო ღონისძიებების გამართვასთან (წინასაარჩევნო კამპანიის (აგიტაციის))
დაკავშირებით განსაზღვრული შენობა-ნაგებობების ნუსხა**

1. ქ. მარტვილი, თავისუფლების ქ. №7-ში მდებარე ტრიფონ ხუხუას სახელობის კულტურის სახლის დარბაზი;
2. ქ. მარტვილი, მშვიდობის ქ. №20-ში მდებარე ზურაბ ანჯაფარიძის სახელობის სამუსიკო სკოლის დარბაზი;
3. ა(ა)იპ მარტვილის მუნიციპალიტეტის სკოლისგარეშე დაწესებულება - მარტვილის საფეხბურთო სკოლის შენობა;
4. სოფ. დიდი ჭყონის კულტურის სახლის დარბაზი;
5. სოფ. კიწიის კულტურის სახლის დარბაზი;
6. სოფ. სალხინოს კულტურის სახლის დარბაზი;
7. სოფ. ხუნწის კულტურის სახლის დარბაზი;
8. სოფ. ნაგვაზაოს კულტურის სახლის დარბაზი.

სააგიტაციო მასალების გასაკრავად განსაზღვრული ადგილები:

1. მარტვილის ცენტრალური პარკის შესასვლელი, გიორგი ჭყონდიდელის ძეგლიდან 10 მეტრში;
2. ქ. მარტვილის შესასვლელი, ავტოსადგურის წინ თავისუფლების ქუჩა №18;
3. ქ. მარტვილის შუაგულში, სკვერის წინ თავისუფლების ქუჩაზე;
4. სასტუმრო „გარდას“ გვერდით მრავალბინიანი საცხოვრებელი სახლის წინ ჭავჭავაძის ქუჩაზე;
5. მარტვილის მუნიციპალიტეტში შემავალი ადმინისტრაციული ერთეულებისა და მასში შემავალი სოფლების ცენტრებში თვალსაჩინო ადგილებზე.